



# YMA AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.11 11<sup>st</sup> Mar. 2012

## Kan Branch-in thisen Unit 114 pe

### Branch News

**Chanmari West, March 11 :** Branch YMA Committee-in ruahmanna a siam angin March 8 (ningani) khan Govt Middle School-ah Synod Hospital tan thisen pek runpui neih a ni a, thisen unit 114 pek a ni. Branch president Pu T Ngurkhuma chuan hun bul tan nan thusawiin, Branch Adviser Pu Lalrengpui Sailo chuan tawngtaiin thisen pek hi a hlan a ni.

Thisen pek runpuih hian mipa 82 leh hmeichhia 32 in an thisen hlu tak tanpui ngaite tan an pe thei a, pek tuma inpe 51-te erawh chuan taksa lam harsatna an neih avangin an tum angin an pe thei ta lo a ni

Central YMA secretary Pu Vanlalruata chuan Branch hnenah lawmthu sawina thu rawn thawnin, mi mangang leh a mamawhten an hman atana unit 110 chuang thisen kan pe thei chu thil lawmawm leh YMA tihawm tak a nih thu a tarlang a ni.

Khuangchera section-ten thisen

petute tan Bawngsa soup tui tak an buatsaih a, Branch-in a sawmna ngai pawimawhin Chanmari West HMIP chuan tui takin paratha an kang baw a, an chungah Branch Committee a lawm hle a ni.

Thisen pekna atana phal taka school hmantirtu Headmaster leh Staff, Govt. Middle School chungah Branch-in lawmthu a sawi bawk.

Mi dangte tana thisen phal taka pe tute leh pe tura inpe, pe ve thei ta lote bakah, he mi nia thawk chhuakte zawng zawng chungah pawh Branch YMA chuan lawmthu a sawi tak zet a ni.

Central YMA a kan Branch YMA Budget Rs 7,400 leh Annual fee Rs 100 chu pek fel a ni.

Kan President Pu T.Ngurkhuma (Secretary, Disaster Committee CYMA) chuan Central YMA Programme-in tunkar chhung khan Disaster Training a neihpui a, kan Branch atangin Pu Lalchhandama leh Tv Jakob Lalrinsanga te an training ve a ni.

YMA Census chu Neuva Section leh Khuangchera section ten an tifel tawh a, la ti fel lo Section ten arang lama ti fel turin kan inngen e.

CYMA disaster volunteer member atan Branch aiawh turin Pu H. Vanlalvena leh Pu Lalchhandama te ruat an ni.



Branch president Pu T Ngurkhuma'n thisen pek tanna hun hmangin thu a sawi. (inset - member-ten thisen an pe)

### Local Council News

Ni 9.3.2012 (Zirtawpni) khan Chanmari West Local Council hruaituten Gas Agent Biakkungi an dawr a, Biakkungi Gas Agent record danin Chanmari West veng chhungah Consumer 1231 kan awm a, Chanmari West Local Council record hman mekah hian consumer 1749 kan awm thung a ni. Biakkungi Gas Agent leh Local Council record inmil lote siamtha turin hmalak mek a ni a, Card pawh siamthat tum mek a ni bawk.

Ni 10.3.2012 (Inrinni) khan runthlak hnatlang koh a ni a, vengchhung kawr hnawlin a hnawh te then a ni a, Electriect hru L.T. Line thlunna tur Sairang road motor silna bul kawngpui chho a mi thingkung thenkhatin a dal te kih leh a zarte thlak a ni. Kawipui side drain motor tlak theihna siamthat a ni.

### RED RIBBON FOOTBALL

Local Council football team chuan ni 13.3.2012 (Thawhlehni) tlai dar 3:00 hian Durtlang field-ah Buhban an tum dawn a, veng mipuite tawia wm turin an sawm.

Football team-ten ngawrh takin

inbuatsaihna an kalpui chho zel a, tha taka an khel theih nan veng mipuite tawngtaipui turin an sawm.

Football team tana mawza leisaktu Pu H Lalthuama, Local Council member chungah lawmthu an sawi a, mi thahnem ngai hnen atangin tanpuina an dawn zel avangin an lawmhle..



### TUNKAR CHANGVAWN

"Rinna avanga khawngaihna a chhandam inni, nangmahni thawhchhuah a ni lova, Pathian thil pek a ni." Ephesi 2:8

**Editorial Board**

<b>Editor:</b>	J.Lalnangliana	9862399658
<b>Joint Editor :</b>	Lalchhandama	9862358347
<b>News Editor :</b>	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
<b>Cir.Manager :</b>	Johny Lalthanpuia	9612359161
	EVL. Hruaitluanga	9862655426
<b>Production Manager :</b>		
	R.Lalmachhuana	9436151817

**Branch Office Bearer**

<b>President</b>	T. Ngurkhuma	9436190843
<b>Vice President</b>	R. Lalmachhuana	9436151817
<b>Secretary</b>	RL. Thanhnuna	9436152760
<b>Asst. Secretary</b>	Zairemmawia	9862385654
<b>Treasurer</b>	C. Lalzarliana	9436142049
<b>Fin.Secretary</b>	K. Darthantluanga	9436196071
<b>Adviser-te :</b>	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

**Editorial :**

Runthlak hnatlang Local council thar chuan an ko a, hna tha tak thawk turin beisei ila. Runthlak hnatlangah hian run dalah thawh ve mai mai a awl a, chutih laiin hman lo chung chungah thawk pawh an tam ang, pawisa a phat theih a ni a, pha pawh an awm ang, hetiang karah hian engmah tih tum lo leh nachang hre lo an lo awm leh mai thei a, hetiang mite chungah hian a hming ang ngei hian 'run' ngei a tha khawp mai.

Mi mangang leh damlo te tana thisen pek runpui chu kan lo nei ta a, mi 114 ngawtin kan pe thei a, hei mai bakah hian mi eng nge maw zat inpe, pe thei ta lo an awm baw, a lawmawm khawp mai. Mahse, section in a pe tur an zawn laia mi 300 lai ni si erawh chuan ngaituah a ti thui khawp mai, inpekna tak tak hi kan mamawh niin alang.

Tunlaiin CYMA huaihawtin disaster training an nei tlut tlut mai a, kan branch atang pawhin tel an awm a, chumai bakah kan President hi he committee secretary a ni a, kan veng hian hetiang lama training tha lehzual kan neih angai khawp mai, kan awmna hetiang hi a ni si a.

Tun tum chu inkhel thiamin inkhel thiam a rawn kawm a, a kawm tur awm tak pawh a ni e.

**Biangbiakna :****JEJE PEKHLUA KAWMNA****- Mangheta Ralte**

Mizorama chawlh a rawn hman zawk chungin, Mizo Footballer piang tawh zinga hlawhting bera chhal ngam, Jeje Lalpekhluwa kawmna hun tha tak mai ka nei thei hlawh mai a, hun tha min siamsaktu Pathian leh Jeje-a chungah lawmthu ka sawi e.

**M = Mangheta, J = Jeje**

**M** : I pian leh murna, in chhungkaw chanchin tlangpui nen?

**J** : 7.1.1991 Khan Hnahtial khuaah ka piang a, unau paruk(6) zinga a naupang ber ka ni a, tunah hian ka nu leh pate'n Pathian zarah min la dampui.

**M** : Mizoram pawna inkhela ei zawnga i awm hma hian ram chhungah Major Tournament i khel hman em?

**J** : Kum 2006 Khan Wai Wai Cup (MLA Constituency Tournament)-ah Hnahtial Constituency aiawhin ka khel a, khata tang khan Mizoram U-19 khel tura thlan ka ni a, a tawi zawngin sawi ta mai ila, National U-19 camp-a lut tura thlan ka ni ve leh a. Chumi zawhah tuna ka khelh mekna Pune FC hi kum 2007, November thla atangin ka zawm ta a ni.

**M** : Mizo Fottballer te'n a ram pawna an awm a harsatna an tawh ang chi hi i tawng ve em?

**J** : Pathian zarah taw, em em lovin tun dinhmun hi ka thleng a, Pathian hnenah pawh lawmthu ka sawi thin. "Lunglen" chang hi chu ka nei ve tho. Chawlh rawn hman a, kan hunpui lai, Krismas ruai theh ni ang tea kal a ngai thinte hi chu a hrehawm ve duh khawp mai.

**M** : Pune FC -a training in kalpui dan tawi fel deuhin min hrilh thei em?

**J** : Football season tan hma hian Pre-Season training kan nei a, he hun hi a hahthlak lai ber a ni a, zing leh tlaiah training chi hrang hrang kan nei thin a, season kan tan hnu hi chuan Fitness tha tawka min ngai a, training pawh a hautak lutuk lo, mahse a inthlahdah theih miah loh a ni.

**M** : National Senior Team-ah Striker rinrawl i ni tawh mai a, Club lamah First Eleven chiang sa i ni em?

**J** : Hmun danga kan khel dan hi an dah pawimawh lo khawp mai. Training kan kal that leh kal that lohte, training naa kan game a zirin min thlang ber. Tu mah hi "Chiang sa" kan awm lo.

**M** : Tuna i khelh mekna Pune FC-ah hian player eng zat chiah nge awm ?

**J** : Register player hi mi 33 kan awm a, I-League khel tur hian player 18 thlan chhuah thin a ni a, First Eleven mai ni lovin Jersey

ha pha tur ringawt pawh hian kan bei nasa thei khawp mai. Kan inthlahdah ngam lo hrin hrin.

**M** : National Senior Team tan hian goal eng zat nge i khung tawh?

**J** : Goal 10 ka khung ve tawh a.

**M** : India ram pawna khawi ram nge Senior Team hminga i tlawh tawh?

**J** : Senior Team hming chuan West Indies, Trinidad & Tobago, New Guinea, Barbados, UAE, Qatar, Maldives leh Malaysia-ah te ka kal ve tawh a.

**M** : Rangers FC-a in zuk trial kha eng nge chanchin ni zui ta?

**J** : Kan trial period kha a rei lova, ni 5 chung chauh kha a nia, Scottish League kal mek baw, nen khan hun a chep deuh va. Germany Club pakhat leh Rangers FC te Friendly match an khelh huna min khelh tir a, min enchin an tum a, mahse Germany kal tur khan Visa kan hmu thei ta si lova, an tum ang khan thil a kal ta bik lo.

**M** : Chawimawina i dawn lam te?

**J** : Chawimawina sawi tham ka la dawng lo. 2006 ah U-16 Tournament-ah Top Scorer ka ni a, 2009-ah Pune FC bikah Young Player of the Year-ah min thlang a, 2011 Khan National Level-ah Young Player of the Year ka ni baw.

**M** : In hlawh lak dan kalphung lam te hi?

**J** : Club-a contract kan ziah hian Season tuana kan hlawh turah inremna kan siam a, chu kan inremna atang chuan 50% ang vel hi a hlawmin min pe nghal a, a bak 50% chu thla biin kan la tlangpui. National Team-a kan khel hi chuan hlawh hranpa vak kan nei lo, Lawmman min pe ve chauh zawk.

**M** : Tun dinhmun i thlen theihna chhan hi eng nge ni bera i hriat?

**J** : Thiamna lamah chuan ka inchhuang lo khawp mai. Mizo palyer-ah chuan ka pumrua a te bik lova (5'8" leh 80 kg a ni e), khangte kha a tirah chuan min thlan chhan kha ni ta maiin ka hria. Mahse National U-19 Camp-a ka awmlai Khan Football-ah ka Piangthar ka ti mai a, "Mi paw'n an theih chuan ka thei ve ang, engtikah emaw chuan National Senior Team-ah ka la tel ve ang" tih rilru ka pu ta a, ka bei nasa, ka insum a, ka thawkrim ve khawp mai. Ka dam phawt chuan practise

Phek lehlahmah zawm.....

**2012 Thuvawn**

*I awmdan tur chu  
LALPA chungah ngat  
la; Amah chu ring la,  
aman a ti vek ang.*

**KHUANGCHERA**

Chhياتni fund khawn zawh thawkhat tawh a ni a, la pe remchang lote pawhin a rang lama pe turin an ngen.

Bial vawngtuten mahni bial theuhah Electric leh Tui bill thahnemngai taka khawn zel turin an inchah.

Ni 8.3.2012 (Ningani) a Branch YMA in thisen pek runpui a buatsaiha thisen petute chungah lawmthu an sawi tak meuh meuh a. Hruaitute hmel a lang tam lo erawh pawh an ti hle.

Section chhunga ran vulhtuten mi dang tan hnawksak lo tura an ran vulhte khuahkhirh hram hram turin an inngen.

**TAITESENA**

Ni 6.3.2012 zan khan section Committee meeting neih a ni a, thu pawimawh tak tak rel a ni.

Ni 8.3.2012 a Branchin thisen pek runpui a buatsaiha thisen petute chungah lawmthu an sawi.

Ni 9.3.2012 zan khan kuang duan leh YMA buk septic tank thara tui paih hnatlang neih a ni.

Hruaituten mahni bial theuhah YMA chanchinbu la tur zawna, Ni 18.3.2012 ral hmain a la duh turte section secretary hnenah hriattir tur a ni.

Budget Rs 5000 chu member-te thawhrimna a zarah tlak fel a ni.

**VANAPA**

Ni 8.03.2012 zan khan Pu PC Lalawmawia te inah meeting neih a ni.

A mamawh apiangte tana Thisen pe tur a inphal hming pe 72 lai an awm chu lawmawm an ti takzet a, Section atanga nula, tlangval bakah nu leh pa eng emaw zat thisen petu te an chhuang hle a ni.

Chhياتni thatni a hman tur Gas Connection a nei thar a, a buaipui saktu Pu F.Zosanga Local Council Chairman chungah lawmthu an sawi.

Bial 9-na (Pu F.Lalate in bul) a bawlhhlawh paih an la awm reng mai chu section committee chuan pawh a tia, helai hmuna bawlhhlawh paih a nih tawh loh nan Branch YMA-ah thlen a, a tul anga hmalak zui tum a ni. A paih thinte pawhin mi tana hnawksak leh hlauhawm anih avangin paih tawh lo turin an hriattir.

Section chhunga in leh lo neite hnenah leiman leh chhiah pea in inhlawh tum a ni.

Chhياتni Fund chhungka 264 atangin chhungkaw 89 ala lut loa a hruaitu ten khawn hmanhmawh tur leh la pe lo ten lo ngaipawimawh turin an in chah.

Section leader Pu VL. Thakima chu a dam sam lo.

**NEUVA**

Dt 8. March . 2012 zan khan OB Incharge Pu Lalzarliana hovin Section Committee wavi hnihna thut a ni.

Kristian Hlabu leh Thu thulungthar Branch YMA Asst. Secretary Tv Zairemmawia leh Pasaltha Neuva In a dahtur (Kumin chhunga an project pakhat) Notice Board Section Committee member Pu HVL Zasanga ten Section tan an rawn pe chu an chungah committee chuan lawmthu a sawi.

Section property Incharge atan Pu Vanlalvuana leh Tv Ricky Lallawmkima te ruat an ni.

Thatni bikah section Bungraw hawhtur leh dahtur reng reng ten zing dar 9:00 hma leh tlai lam dar 3:00 hnulam ah hawh a dah thin tur a ni.

Dt 13. March.2012 (Thawhleh) zan dar 7:00 khian vengchung ah Passport photo siama hnatlang neih tur a ni a, chhungtin hnenah passport photo lo siamtir theuh turin an ngen. Dawr rate aia tlawmin photo 4- Rs 30 leh photo 8 - Rs 40 a khul tur a ni ang. He hnatlangah hian Section member zawng zawng thahnem ngaia thawk chhuak theuh turin an ngen.

Hun remchang hmasaah Blanket suk a hnatlang neih tum a ni a, Chhungtin ten Blanket suktir theuh turin an inngen.

Section Gas Cylinder a awmna chin hriat a ni lova, a hria chuan hruaitute hriattir theih nise.

**CHAWNGBAWLA**

An section member a mamawhtute tana phal taka thisen petu te zawng zawng chungah lawmthu an sawi.

An member NI. R Lalawmpuii (Mapuii) d/o R Thansanga chuan Pi ni turin ni 8th March 2012 khan Kulikawn lamah kawppui duhawm tak a nei ta chu an lawmpui hle.

An section a in luah tur neite'n pem lehkhah ngai pawimawh hram turin an inngen a, pem lehkhah felfai tak nei lo te chu in luah tir lo thei se an duh hle.

Section mipuite in leh a vel vawngfai thin turin an inngen a, kawngpui bula awmte phei chu vantlang kawngah motor silna leh lusukna tuite luan tir lo turin an in ngen.

Zanrei tak tak thleng a kawipui vel a tlangval awm thinte a bul vela awmte tan a bengchheng siam lo tur leh buaina siam lo turin an in hriattir.

Karleh ni 13.3.2012 thawhtan zan khian meeting neih tum a ni a, hruaitute hunawl lo insiam turin an in hriattir.

**....Biangbiakna zawmna**

ka thulh ngai lo va, ka kal tlai ngai lo bawh  
**M** : Zuk leh hmuam, ruihtheih thilah Club-in a khuahkhirh che u em?

**J** : Professional kan ni a, mahni tana tha tur chu hre tura ngaih kan ni, Self-Discipline a pawimawh ber. Zu han in ve zeuchte hi chu an awm a; mahse, an rui ve ngai lo. Zial an zu meuh lo vek.

**M** : National Level thleng tur hian chance kan neiin i hria em?

**J** : Tehreng mai. Mizo chu kan skill a tha tlangpui. Chapona lam ni lo se, tun dinhmun thleng tura ka beih ang hian bei ve se, Mizo zingah hian kei aia thleng sang thei tur an tam lutuk. Chutih rual chuan tumruhna, insumtheihna leh taimakna kan tlachham thin erawh hi chu kan hlawhchham fona chhan a ni tih hriaiin, kan thawhrim erawh chu a ngai khawp mai.

**M** : Player te hian Coach-te hi an Team enkawl danah te, game plan-ah te, formation te in sawisel thin em?

**J** : Hmaichhanah chuan kan sawisel thiang lo a ni ber a, Coach-in khelh dan tur a tih ang a ka khelh theih loh chuan substitute-a awm ka hmabak a ni mai. Chuvangin Coach mittlung ngeia khel thei turin kan bei nasa thin khawp mai.

**M** : Ei leh in leh in hriselna hi?

**J** : Sa leh hmuihmer ei tam lo turin kan Club Doctor-te hian min hrilh tam khawp mai. Alu hian weight a siam a, kan ei nasa. Kan training-na hmunah Club Doctor-te hian min vil reng a, na (inhliam) kan nei chuan kan hrilh mai zel. Hliam leh na te hi zep ruk chi a ni lo, kan game-ah a lo lang a, kan tan bawh a pawh thin.

**M** : Hetia Professional Club-a khelh a National Senior Team-a khelh hi ilo suangtuah tawh ngai em?

**J** : Ka inkhelh tantirh chuan ka suangtuah pha bik lova. Mahse ka sawi tak ang khan National U-19 Camp-a ka awmlaia ka rilru ka siam khan nasa takin min pui a, kan Coach min fuihna kha ka chhawr khawp mai. Hei aia sang thleng zel tur pawh hian ka bei zel ang a, India ram pawn a khel thei tur khawpa beih ka la tum zawk asin.

**M** : A tawpna nan, YMA rawngbawlna leh kan Kristian-na hi eng nge i hmuh dan?

**J** : A ropui ka ti khawp mai. Kei chu ka inhman ve hmain tihian ram pawnah kan hun tam zawk chu kan hmang a ni ta mai a. Hnam dang zingah pawh Mizo nih tinuamtu a ni a. Sakhuaana lamah hi chuan sawi tur ka nei tam lo. Mizo Kristian inkhawmnaah hian ka hman chuan ka kal ve thin a, mahse Pathianni te hi kan inkhelh hun a ni thin a, tel tam chu a har khawp mai. Mahse heti chung hian heng hlawhtlinna ka chan zawng zawng hi chu Pathian vang a ni tih erawh chu ka hria, ka lawm khawp mai.

**M** : Huntha tak min pe a, ka lawm e. I kal zelna turah duhsakna ka hlan a che.

**J** : Kei pawh ka lawm e.

## Property Committee

☞ Vawiin chawhnu inkhawm banah Committee member-te Pu C. Lalmuankima, Chairman inah inhmuikhawm lawk tur a ni.

☞ Tun dinhmunah information mike te a ri tha nia hriat a ni a, tha lo a awm palh a nih chuan hruaitute hriattir tur a ni.

☞ Information mike hman chungchangah a hman dan tur ruahman that a ni dawn.

## ZOFA news

☞ Ni 6.3.2012 khan an hruaitu ni reng tawh Pu P. Lalkhama te inneih Silver Jubilee lawmnaah lam entir a ni.

☞ Ni 9.3.2012 (Zirtawpni) zan khan meeting neiin, thil tul tak tak an rel.

☞ Member te leh hruaitute AIR a thun tur hla zir tur a ni a, hunawl lo insiam turin an inhriattir.

## PEM LEHKHA HMUH

### PEM LUT

Heng mite hi kan vengchhungah an rawn pem lut a, mi tha tak an nih zel kan beisei.

1. Pu Zalawma te nupa Dinthar atangin Pu Kapmawia 'T' Section te In ah.
2. Ni Vanlalzawni te unau Riangtlei atangin Pu Kapmawia 'T' Section Inah.
3. Pu HVL Hruaidawngzela te chung Electric veng atangin Pi Lalremuati 'T' Section Inah.
4. Pu Zarzoliana Hnamte te nupa Tuikual 'N' atangin Pi Lalzemi 'T' Section Inah.
5. Pu Laldanmawia te chung Republic Vengthlang atangin Pu Ramliana 'T' Section Inah.
6. Pi Lalpawmawii te chung Champhai Bethel atangin anmahni In 'T' Section-ah.
7. Pu Lalsawipuaia te chungkua Dawrpui atangin Pu Ringzuala 'N' Section te inah.

### PEM CHHUAK

Heng mite hi kan vengchhung atangin vengdangah an pem chhuak

1. Pu F. Lalrawna te chung 'N' Section a S.A Biak In hnuai atangin Vaivakawnaah
2. Pu H. Lalrinkima te chung 'N' Section a Pu C. Rozama te In luahtu chu Hunthar- Vengah
3. Pi Lalawmawii te chung 'N' Section a Pi Lalpawmawii te In luahtu chu Hunthar Vengah.
4. Pi Chhuanmawii te chung 'V' Section a Pu T. Lalthangfala te In luahtu chu Chhinga Veng-ah
5. Pu Lalmuana 'K' Section a Pu Lalruatdika In luahtu chu Hunthar-ah
6. Ni Mary 'K' Section a Pu K. Lalbanga te nau chu Saron Vengah
7. Pu Lalthafamkima 'N' Section a Pu G. Zama In luahtu chu Chhinga Vengah.

## Badminton Club

Chanmari West Badminton Club chuan vengchhung batminton tuimi zawng zawng member ni turin an sawm a, heng mite hnenah hian section hrang hrangah member fee pek theih a ni.

Vanapa : Pu RK Ramherliana

Chawngbawla : Pu C. Lalmuanpuia

Taitesena : Pu Lalbiakhlua

Khuangchera : Pu Zothangzuala Chhange

Neuva : Pu K Lalzuithanga

March 19-24 chhungin Local Tournament an buatsaih dawn a, Member-te tel vek turin an in sawm a, hetiang hian category siam a ni.

Kum 45 chung lam doubles

Men's single & doubles

U-17 boys singles

U-13 boys singles

Dt 16.3.2012 ral hmain entry fee,

Pu RK Ramherliana leh Pu Lalbiakhlua hnenah pek fel vek tur a ni a, huntiam ral hnuai mi chu pawm a ni lo vang.

## Kawrlum tibo

Tunkar Thawhtanni tlai Sikul ban khan T'sect. leh N'sect inkarah Helen Lowry School form kawrlum tihbo a ni a, a nghawngah R Lalmalsawmi tih a inziak a, alo chhar chuan khawngaih takin min lo hrih ula kan lawm hle ang.

Biakmawii

Neuva Section

Ph. : 9862800123

## HETAH HIAN SMS LA

>>9862358337<<

☞ CV Library chhak kawng sir in chung denrite, Ganja leh zu in ching, rawlthar ho khan hauh ngai lovin sim tawh teh u; a paw hma hian.

89741----42

☞ Electric kal sual chungchang kha a tha thlawt e, kristian ram hian kan mamawh a ni.

98626----47

☞ CYMA in kumpulan a nei a, veng dangchuan sub-comt te dinin hman la a, kan veng hian engatinge, an din ve loh le, hmalakna tur a awm lo an ti em ni aw.

94365----24

(SMS kan dawn te hi Ed. Bd ngaihdan a ni vek kher lo)

## CWSC volleyball team

Chanmari West Sporting Club volleyball team chuan Champhai Tlangsamah tournament an hma chhawn dawn a, thawhtan hian an chhuak ang. TNT-in remchang siamsakin an motor-ah an kal ve nghal dawn a, an chungah an lawm hle.

Tournament-a an chhuah theihna tura tanpuina petu zawng zawng chungah lawmthu an sawi bang lo a, an inbuatsaihnaa an in tur squash tumsaktu Pu Lalliansanga'n (Malala) chungah lawm thu an sawi nghal bawk.

## YMA LIFE MEMBER LIST, KHUANGCHERA SECTION

<u>S/No</u>	<u>Hming</u>	<u>Nu/Pa hming</u>	<u>Number</u>
1.	Laldinpuii	C.Lawihmingthanga (L)	
2.	Flora Zothansangi	C.Lawihmingthanga (L)	
3.	William Lalremmawia	C.Lawihmingthanga (L)	
4.	Lucy Zoliani	C.Lawihmingthanga (L)	
5.	Dr Hmingthanzuala	Biakthuama(L)	
6.	T.Bualzika	Lalsanga	
7.	H.Laltanpuia	H.Tlangliana (L)	
8.	Lalduhawma	Rozama	
9.	Lalrinmawia	Rozama	
10.	K.Rosiana	K.Thangvunga	
11.	Zoramtana	Tawnliana (L)	
12.	Huapthanzauva	Sapdawla	
13.	Lalrinliana	Ropianga (L)	3992
14.	K.Darthantluanga	K.Doliana(L)	6382
15.	F.Rosiamliana	Aizika (L)	7138
16.	Khawrosiana	Chawngkhuma	
17.	Lalrammawia Khiangte	Lianngova(L)	
18.	R.Lalsangzuala	Vanthuama (L)	
19.	Tlangchhuana	Ralzinga	
20.	Lalronghaki	Zawmliana (L)	8341
21.	VL Huma	Dengthanga	
22.	T.Ngurkhuma	Dengthanga	
23.	Nundanga	Khamthanga (L)	

YMA Life Member list a tel lo leh number tarlan lohte hian a theih hram chuan Branch Secretary hnenah in hriattir turin kan inngen e.